



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 6. Concilii Ministri a Papa nominati.

[urn:nbn:de:hbz:466:1-66615](#)

Sæcul. XVI. quomodo, & qualiter, & per quos erum
A. C. 1545. examinandæ.

§. VI.

Concilii Ministri a Papa nominati.

Pallav. t. 6. Porro Papæ Legati postulabant, ut il-
li, qui in Synodo munera obirent,
Romæ designarentur; Patribus enim
haud satis perspecta erant nomina, ac
merita eorum, qui ad ejusmodi officia
idonei forent, ac proin par esset, ut
summus Pontifex tales viros, quorum
mores atque ingenium idem optime no-
verat, ex aula Romana nominaret. Se-
ligebatur ergo præprimis in Synodi Ad-
vocatum Antonius Gabriellus Jurispru-
dentiæ fama longe celeberrimus, cum
vero corporis habitudine admodum im-
becillis Tridentini aeris inclemens se-
fe exponere non auderet, oblatum mu-
nus acceptare recusabat, unde ei suffi-
ctus est Achilles Grassius, patria Bononiensis: officium vero Abbreviatoris col-
latum fuit Hugoni Boncompagno. E-
quidem Papa Marcum Antonium Fla-
minium inter Latinos illius ævi Scripto-
res illustrem Synodo a secretis esse vo-
luit, verum rursus ille hoc onus subire
detrectavit, nec tamen illius repulsa Pa-
tribus displicuit, cum enim ejus doctri-
na Patribus esset suspecta, haud temere
illum novis erroribus favere pertime-
fice.

scebant, quapropter ei subrogabatur Sæcul. XVI.
A.C. 1545.
Michael Cervinus Cardinalis S. Crucis.
Ceterum ex Patribus nonnulli quere-
bantur, quod Pontifex suos sibi Mini-
stros eligendi potestatem Concilio adi-
meret. Verum horum questus mox
sedavit Synodi Præses, eisdem expo-
nens, quod Pontifex hos Ministros dun-
taxat nominet, non autem Patres eli-
gendi libertate privaret, sed potius talem
electionem ipsis magis expeditam red-
deret.

Hisce igitur articulis ita a Præside
propositis Hieronymus Oleaster Ordinis
Prædicatorum Theologiæ Magister Lu-
sitanæ Regis nomine orationem habuit,
simulque hujus Principis literas Patri-
bus tradidit. Oratione, quæ haud pro-
lixia erat, demum absoluta, primus Pa-
trum Legatus præfatas Regis literas die
vigesima quarta Julii Eboræ datas præ-
legi jussit. In his inter cetera Rex hæc
exposuit: *Magnæ mihi voluptati fuit, ea*
vos animorum conjunctione convenisse ad sa-
cri Concilii celebrationem, ut Ecclesiae Ca-
tholicæ præsidio ac ornamento esse possitis,
certi enim sumus, quod constituatis ea, quæ
ad consiliuendam Christianæ Religionis au-
toritatem, ad restituendam veterem morum
disciplinam, ad totius denique reipublicæ
pacem & tranquillitatem spectare videbun-
tur. Ne vero quam occasionem prætermit-

Z 4 te-

Sæcul. XVI. terem declarandæ animi mei ad eam rem pro-
A.C. 1545. pensionis, Legatos isthuc meos destinavi, qui
 cum in apparatu suæ profecitionis diuturnio-
 rem moram mihi facere viderentur, præmis-
 ad vos interim tres Religiosos Fratres Do-
 minicanos S. Theologicæ Magistros, quos inter
 alios Legatorum comites a me selectos cele-
 rius isthuc venire volui, ut sacrosancto Con-
 cilio obsequii mei firmitatem patefacerent, &
 vobis consilii mei rationem exponerent.

Perlectis hisce literis Cardinalis Le-
 gatus Lusitani Regis pietatem, ac fide-
 studium amplissimo prorsus elogio cele-
 bravit, privatimque Hieronymo signifi-
 cavit, quod ejus præsentia ob notam il-
 lius probitatem ac doctrinam Patribus
 admodum grata esset; quamvis autem
 hic Religiosus, usque dum ceteri a Re-
 ge nominati adventarent, tanquam Lu-
 sitanus Orator recipi petiisset, eoquod
 eorum adventus longiorem adhuc mo-
 ram pateretur, nihilominus hæc præro-
 gativa Hieronymo fuit denegata, cum
 Regis literæ de ejus legatione nullam
 mentionem facerent: sanctum tamen,
 quod ei præ ceteris singularis honor tri-
 bueretur.

§. VII.

Altera Patrum Congregatio.

Pallav. l. 6. Postera Sabbati die decima nona ejus-
s. I. n. 9. & 10. dem mensis altera habebatur Con-
 gre-